

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
KANTONALNI SUD U SARAJEVU  
Broj:009-0-SU-23-000686  
Sarajevo, 03.01.2024. godine**

*Na osnovu člana 31. Zakona o Sudovima u Federaciji Bosne i Hercegovine („Službene novine Federacije BiH“ br. 38/05, 22/06, 63/10, 72/10, 7/13 i 52/14) i člana 69. stav (1) tačka b) Zakona o javnim nabavkama („Službeni glasnik BiH“, broj 39/14 i 59/22), predsjednik Kantonalnog suda u Sarajevu donosi*

**ODLUKU  
O PONIŠTENJU POSTUPKA JAVNE NABAVKE**

**I**

*Poništava se postupak javne nabavke usluge – Čišćenje objekta Kantonalnog suda u Sarajevu, Obavještenje o nabavci, broj: 885-1-2-17-3-21/23 od 14.11.2023. godine zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.*

**II**

*Ova odluka se objavljuje na portalu Ugovornog organa <https://ksud-sarajevo.pravosudje.ba>, te istovremeno dostavlja ponuđaču „Atalian global services BH“ d.o.o. Sarajevo.*

**III**

*Ova odluka stupa na snagu danom donošenja.*

**Obrazloženje**

*Na osnovu Odluke o pokretanju postupka javne nabavke, broj: 009-0-Su-23-000686 od 13.11.2023. godine, pokrenut je otvoreni postupak javne nabavke usluge - Čišćenje objekta Kantonalnog suda u Sarajevu, procijenjene vrijednosti 54.000,00 KM bez PDV-a. Za predmetnu nabavku objavljeno je Obavještenje na Portalu javnih nabavki (u sistemu „E-nabavke“) pod brojem 885-1-2-17-3-21/23 od 14.11.2023. godine u 13:39 sati, zajedno sa cjelokupnim tekstom tj. tenderskom dokumentacijom. Rok za dostavljanje ponuda bio je 05.12.2023. godine do 12,00h, gdje je Ugovorni organ zaprimio samo jednu ponudu i to od ponuđača „Atalian global services BH“ d.o.o. Sarajevo.*

*Komisija imenovana za provođenje ovog postupka javne nabavke, ocijenila je ponudu pomenutog ponuđača prihvatljivom te je na osnovu toga donesena Odluka o dodjeli ugovora ponuđaču, broj: 009-0-Su-23-000686. od 11.12.2023. godine. Nakon toga, Ugovorni organ je pripremio Ugovor o pružanju usluga broj: 009-0-Su-23-000686. od 25.12.2023. godine te isti dostavio ponuđaču Atalian na potpis. Ponuđač „Atalian global services BH“ d.o.o. Sarajevo je Ugovornom organu uputio obavijest dana 29.12.2023. godine da isti ne mogu početi sa realizacijom predmetne usluge od 03.01.2024. godine, iz razloga manjka radne snage, te su predložili prolongiranje roka za izvršenje predmetne usluge od 15 do 30 dana i zatražili od Ugovornog organa da se o dostavljenom prijedlogu izjasni.*

*Povodom ove obavijesti, Ugovorni organ je istoga dana uputio obavijest da ne prihvata prijedlog ponuđača cijeneći da se radi o neophodnim kontinuiranim poslovima u svrhu redovnog održavanja čistoće objekta Kantonalnog suda u Sarajevu te zatražio od istog ponuđača da se u roku odmah izjasni o potpisivanju ugovora.*

*Ponuđač Atalian je dana 29.12.2023. godine dostavio svoje izjašnjenje u kojem je navedeno da ne mogu početi sa realizacijom predmetne usluge od 03.01.2024. godine, iz razloga manjka radne snage te stoga nisu potpisali dostavljeni ugovor.*

*Uzimajući u obzir navedeno, a poštujući odredbe Zakona o javnim nabavkama odlučeno je kao u dispozitivu.*

**PRAVNA POUKA:** *Protiv ove odluke dozvoljena je žalba koja se podnosi Ugovornom organu u roku od deset (10) dana od dana prijema ove odluke.*

**PREDSJEDNIK SUDA**



Pripremila: Amina Vrabac *Amina Vrabac*  
Kontrolisala: Alema Matoruga *Matoruga*